

革命史續展覽會肅瞻既賦

李仙根

春秋大九世之仇，吾族從來有壯謀。蕩蕩遺風烈烈在，驚魂長誦大神州。

白日青天滿地紅，三民主義震寰中。京從應順恩英烈，第一驅鋒陸皓東。

(序) 黨國旗為陸皓東先烈撥制，辛亥起義廣棄不用之。

緬遺烈難史冊存，光芒萬丈血留痕。未應視作滄桑錄，中有洗洗不朽魂。

肅肅清高開國勳，琴心劍膽玉精神。儀型垂範千秋世，奇氣猶然辟易人。

(序) 肅肅陸皓東史堅如黃克強徐錫麟吳越秋瑾陳天華鄧容宋漁父諸先烈遺蹟遺像。

手澤楷柅不敢忘，一絲一縷自流芳。聰明正直思前烈，護目猶留炯炯光。

(序) 肅肅 國父雷 克強英士思復 諸先烈遺物。

淋漓大筆古書風，繼往開來氣象雄。直挾元常奔腕底，世人何事取偏鋒。

(序) 國父遺墨，繼往開來。曩叩詢胡展堂先生，以國父法書所自，謂在國父案上曾見有書棚本九成宮一冊，意其少時曾習之，後亦頗追右軍千文。

萬劫不磨忠與孝，國家民族大君親。小人有母今違離，肅展儀容為愴神。

(序) 古人云：求忠臣於孝子之門，敬宗睦族國父最重。今肅展 總裁 國父家庭照片，孝思

維則，令人起敬。家慈八十餘齡，至今遠離海隅，因而思之淚下。

冠裳表表在南州，典範長存啓秀樓。四寇有堂園有白，鈞臺千古並風流。

(序) 國父革命初期老友陳少白楊鶴齡尤烈三先生遺像遺墨。

幕府當年侍起居，知難行易荷親書。珍藏感痛滄桑後，今日觀摩一夢如。

(序) 拜觀大本營 國父墨寶。正大光明文戰道，開來繼往得傳人。尋常栢壘關天下，此是當年席上珍。

(序) 拜讀 總裁日記及計畫書。自由鐘響遍中華，鐵血丹心復漢家。浩氣英魂湛春碧，千秋萬世美黃花。

(序) 三月二十九革命遺跡。悲歌慷慨快恩仇，天水王孫世莫儔。我得及門還恨晚，等閒白了少年頭。

(序) 趙伯先先生遺蹟。先生去廣東陸軍小學監督時，余方進校。諸盟友皆以先生風誼，誠思識荆。黃花之役失敗憤 香港，曾聚同人私哭之。莫等閒白了少年頭，為先生法書習以勉勵諸同學者，余得一帙，今並被掠，惜哉！

筆挾風雷劍有霜，平生風誼並馨忘。中興若數當時彥，緯武經文兩惠陽。

(序) 廖仲愷鄧仲元先元遺墨。積慘平生世豈知，望韓鏡孟異當時。金陵自有

千秋業，餘事堂堂不廢詩。

(序) 胡展堂先生遺墨。「餘生猶在已堪歡，竊不盡從來慘痛」，是胡先生在中央黨部歷時餘批。先生道德文章，負世重望，而功業炳煥，獨有千秋。晚年為詩喜王荆公，不願吟諷。三山三陵之論，且嘗以示教也。

忽忽相從廿載間，論書桐館值秋閒。白門指掌談天下，來日深知是大難。

(序) 古應芬先生遺墨。遠秋三伯俱番客，晚歲精勤尚著書。志事鐵橋同一氣，關心史蹟近何如。

(序) 鄧澤如(遠秋)鄧三伯(蔭南)蕭佛成(鐵橋)遺照。博足古詞連濯榮，大師國學最嶽寄。六榕賦得斯文會，名士風流儼在茲。

(序) 章太炎先生遺墨。非俗非僧豈異人，似狂似俠亦溫文。晚明若比諸遺逸，但有曠心或是君。

(序) 蘇曼殊大師遺筆。遺照微模認故交，前塵影事不曾拋。麻衣似雪天如墨，怒馬騰騰劍脫鞘。

(序) 陳可鈞轉恢諸烈士遺照。塵埃野馬自年年，心影隨香上篆煙。今日正如溫舊夢，看花猶是在春前。

(序) 余有乙亥雜憶百五十首，及蓬庭書風百首，革命小紀若干首，均待編年。稿存港寓，想已隨後塵並化矣。痛恨何似！